

ऋषिः ऐलः पुरुरवाः 1,3,6,8-10,12,14,17, ऊर्वशी 2,4-5,7,11,13,15-16,18 छन्दः त्रिष्टुप्
देवता ऊर्वशी 1,3,6,8-10,12,14,17, पुरुरवाः 2,4-5,7,11,13,15-16,18

हये जाये मनसा तिष्ठ घोरे वचांसि मिश्रा कृणवावहै नु |
न नौ मन्त्रा अनुदितास एते मयस्करन् परंतरे चनाहन् || 1 ||
किमेता वाचा कृणवा तवाहं प्राक्रमिषमुषसामग्रियेव |
पुरुरवः पुनरस्तं परेहि दुरापना वातइवाहमस्मि || 2 ||
इषुर्न श्रिय इषुधेरसना गोषाः शतसा न रंहिः |
अवीरे क्रतौ वि दविद्युत्त्रोरा न मायुं चितयन्त धुनयः || 3 ||
सा वसु दधती श्वशुराय वय उषो यदि वष्ट्यन्तिगृहात् |
अस्तं ननक्षे यस्मिञ्चाकन्दिवा नक्तं श्रथिता वैत्सेनं || 4 ||
त्रिः स्म माह्नः श्रथयो वैत्सेनोत स्म मेऽव्यत्यै पृणासि |
पुरुरवोऽनु ते केतमायं राजा मे वीर तन्वश्स्तदासीः || 5 ||
या सुजूर्णिः श्रेणिः सुम्रआपिर्हदेचक्षुर्न ग्रन्थिनीं चरण्युः |
ता अञ्जयोऽरुणयो न संस्रुः श्रिये गावो न धेनवोऽनवन्त || 6 ||
समस्मिञ्जायमान आसत् ग्रा उतेमवर्धन्नद्यः स्वगूर्ताः |
महे यत्त्वा पुरुरवो रणायावर्धयन् दस्युहत्याय देवाः || 7 ||
सचा यदासु जहतीष्वत्कममानुषीषु मानुषो निषेवै |
अपं स्म मत्तरसन्ती न भुज्युस्ता अत्रसन्नथस्पृशो नाश्वाः || 8 ||
यदासु मतीं अमृतासु निस्पृक्सं क्षोणीभिः क्रतुभिर्न पृङ्के |
ता आतयो न तन्वः शुम्भत् स्वा अश्वासो न क्रीळयो दन्दशानाः || 9 ||
विद्युन्न या पतन्ती दविद्योद्धरन्ती मे अप्या काम्यानि |
जनिष्ठो अपो नर्यः सुजातः प्रोर्वशीं तिरत दीर्घमायुः || 10 ||
जज्ञिष इत्था गोपीथ्याय हि दुधाथ तत्पुरुरवो म् ओजः |
अशासं त्वा विदुषी सस्मिन्नहन्न म् आशृणोः किम्भुग्वदासि || 11 ||
कदा सूनुः पितरं जात इच्छाच्चक्रन्नाश्रु वर्तयद्विजानन् |
को दंपती समनसा वि यूयोदध् यदग्निः श्वशुरेषु दीदयत् || 12 ||
प्रति ब्रवाणि वर्तयते अश्रुं चक्रन्न क्रन्ददाध्ये शिवायै |
प्र तत्ते हिनवा यत्ते अस्मे परेह्यस्तं नहि मूर मापः || 13 ||
सुदेवो अद्य प्रपतेदनावृत्परावतं परमां गन्त्वा उ |
अथा शयीत् निरृतेरुपस्थेऽधैनं वृका रभसासो अद्युः || 14 ||

पुरुवरवो मा मृथा मा प्र पप्तो मा त्वा वृकासो अशिवास उ क्षन्	
न वै स्त्रैणानि सख्यानि सन्ति सालावृकाणां हृदयान्येता	॥ 15 ॥
यद्विरूपाचरं मर्त्येष्ववसं रात्रीः शरदश्चतस्रः	
घृतस्य स्तोत्रं सकृदहं आश्रां तादेवेदं तातृपाणा चरामि	॥ 16 ॥
अन्तरिक्षप्रां रजसो विमानीमुप शिक्षाम्युर्वशीं वसिष्ठः	
उप त्वा रातिः सुकृतस्य तिष्ठान्नि वर्तस्व हृदयं तप्यते मे	॥ 17 ॥
इति त्वा देवा इम आहुरैळ् यथेमेतद्भवसि मृत्युबन्धुः	
प्रजा तै देवान् हविषा यजाति स्वर्ग उ त्वमपि मादयासे	॥ 18 ॥

(13)

96

(म.10, अनु.8)

ऋषिः बरुः आङ्गिरसः, सर्वहरिः ऐन्द्रः वा

छन्दः जगती 1-11, त्रिष्टुप् 12-13

देवता हरिः

प्र तै महे विदथे शंसिषुं हरी प्र तै वन्वे वनुषो हृतं मदम्	
घृतं न यो हरिभिश्चारु सेचत् आ त्वा विशन्तु हरिवर्षसं गिरः	॥ 1 ॥
हरिं हि योनिमभि ये समस्वरन् हिन्वन्तो हरीं दिव्यं यथा सदः	
आ यं पृणन्ति हरिभिर्न धेनव इन्द्राय शूषं हरिवन्तमर्चत	॥ 2 ॥
सो अस्य वज्रो हरितो य आयसो हरिर्निकामो हरिरा गभस्त्योः	
द्युम्नी सुशिप्रो हरिमन्युसायक इन्द्रे नि रूपा हरिता मिमिक्षिरे	॥ 3 ॥
दिवि न केतुरधि धायि हृतो विव्यचद्वज्रो हरितो न रंह्या	
तुददहिं हरिशिप्रो य आयसः सहस्रशोका अभवद्धरिभ्रः	॥ 4 ॥
त्वंत्वमहृतथा उपस्तुतः पूर्वैभिरिन्द्र हरिकेश यज्वभिः	
त्वं हृतसि तव विश्वमुक्थ्यंमसामि राधो हरिजात हृतम्	॥ 5 ॥
ता वज्रिणं मन्दिनं स्तोम्यं मद इन्द्रं रथे वहतो हृतता हरीं	
पुरुण्यस्मै सर्वनानि हृतं इन्द्राय सोमा हरयो दधन्विरे	॥ 6 ॥
अरुं कामाय हरयो दधन्विरे स्थिराय हिन्वन् हरयो हरीं तुरा	
अर्वद्विष्यो हरिभिर्जोषमीयते सो अस्य कामं हरिवन्तमानशे	॥ 7 ॥
हरिश्मशारुर्हरिकेश आयसस्तुरस्पेये यो हरिपा अवर्धत	
अर्वद्विष्यो हरिभिर्वाजिनीवसुरति विश्वां दुरिता पारिषुद्धरीं	॥ 8 ॥
स्रुवेव यस्य हरिणी विपेततुः शिप्रे वाजाय हरिणी दविध्वतः	
प्र यत्कृते चमसे मर्मजुद्धरीं पीत्वा मदस्य हृतस्यान्धसः	॥ 9 ॥
उत स्म सन्न हृतस्य पस्त्योऽरत्यो न वाजं हरिवां अचिक्रदत्	
मही चिद्धि धिषणाहृतदोजसा बृहद्वयो दधिषे हृतश्चिदा	॥ 10 ॥
आ रोदसी हृतमाणो महित्वा नव्यंनव्यं हृतसि मन्म नु प्रियम्	
प्र पुस्त्यमसुर हृतं गोराविष्कृधि हरये सूर्याय	॥ 11 ॥

आ त्वा ह्यन्तं प्रयुजो जनानां रथे वहन्तु हरिशिप्रमिन्द्र ।
 पिबा यथा प्रतिभृतस्य मध्वो हर्यन्यजं सधुमादे दशोणिम् ॥ 12 ॥
 अपाः पूर्वेषां हरिवः सुतानामथो इदं सवनं केवलं ते ।
 ममुद्धि सोमं मधुमन्तमिन्द्र सत्रा वृषञ्जठर आ वृषस्व ॥ 13 ॥

(23)

97

(म.10, अनु.8)

ऋषिः आथर्वणः भिषक्

छन्दः अनुष्टुप्

देवता ओषधयः

या ओषधीः पूर्वा जाता देवेभ्यस्त्रियुगं पुरा । मनै नु बभूणामहं शतं धामानि सप्त च ॥ 1 ॥
 शतं वो अम्ब धामानि सहस्रमुत वो रुहः । अधा शतक्रत्वो यूयमिमं मे अगदं कृत ॥ 2 ॥
 ओषधीः प्रति मोदध्वं पुष्पवतीः प्रसूवरीः । अश्वाइव सजित्वरीर्वीरुधः पारयिष्णवः ॥ 3 ॥
 ओषधीरिति मातरस्तद्वो देवीरुपं ब्रुवे । सनेयमश्वं गां वास आत्मानं तव पूरुष ॥ 4 ॥
 अश्वत्थे वो निषदनं पर्णे वो वसतिष्कृता । गोभाज इत्किलासथ यत्सनवथ पूरुषम् ॥ 5 ॥
 यत्रौषधीः समगमत् राजानुः समिताविव । विप्रः स उच्यते भिषग्रक्षोहामीव्चातनः ॥ 6 ॥
 अश्वावतीं सोमावतीमूर्जयन्तीमुदोजसम् । आवित्सि सर्वा ओषधीरस्मा अरिष्टतातये ॥ 7 ॥
 उच्छुष्मा ओषधीनां गावो गोष्ठादिवेरेते । धनं सनिष्यन्तीनामात्मानं तव पूरुष ॥ 8 ॥
 इष्कृतिर्नाम वो माताथो यूयं स्थ निष्कृतीः । सीराः पतत्रिणीः स्थन् यदामयति निष्कृथ ॥ 9 ॥
 अति विश्वाः परिष्ठाः स्तेनइव व्रजमक्रमुः । ओषधीः प्राचुच्यवुर्यत्किं च तन्वोरे रपः ॥ 10 ॥
 यदिमा वाजयन्नहमोषधीर्हस्त आदधे । आत्मा यक्ष्मस्य नश्यति पुरा जीवगृभो यथा ॥ 11 ॥
 यस्यौषधीः प्रसर्पथाङ्गमङ्गं परुष्परुः । ततो यक्ष्मं वि बाधध्व उग्रो मध्यमशीरिव ॥ 12 ॥
 साकं यक्ष्मं प्र पत् चाषेण किकिदीविना । साकं वातस्य ध्राज्या साकं नश्य निहाकया ॥ 13 ॥
 अन्या वो अन्यामवत्वन्यान्यस्या उपावत । ताः सर्वाः संविदाना इदं मे प्रावता वचः ॥ 14 ॥
 याः फलिनीर्या अफला अपुष्पा याश्च पुष्पिणीः । बृहस्पतिप्रसूतास्ता नो मुञ्चन्त्वंहसः ॥ 15 ॥
 मुञ्चन्तु मा शपथ्याइदथो वरुण्यादुत । अथो यमस्य पड्वीशात् सर्वस्माद्देवकिल्बिषात् ॥ 16 ॥
 अवपतन्तीरवदन् दिव ओषधयस्परि । यं जीवमश्रवामहै न स रिष्याति पूरुषः ॥ 17 ॥
 या ओषधीः सोमराज्ञीर्बह्वीः शतविचक्षणाः । तासां त्वमस्युत्तमारं कामाय शं हृदे ॥ 18 ॥
 या ओषधीः सोमराज्ञीर्विष्टिताः पृथिवीमनु । बृहस्पतिप्रसूता अस्यै सं दत्त वीर्यम् ॥ 19 ॥
 मा वो रिषत्खनिता यस्मै चाहं खनामि वः । द्विपञ्चतुष्पदस्माकं सर्वमस्त्वनातुरम् ॥ 20 ॥
 याश्चेदमुपशृण्वन्ति याश्च दूरं परागताः । सर्वाः संगत्य वीरुधोऽस्यै सं दत्त वीर्यम् ॥ 21 ॥
 ओषधयः सं वदन्ते सोमेन सह राजा । यस्मै कृणोति ब्राह्मणस्तं राजन् पारयामसि ॥ 22 ॥
 त्वमुत्तमास्यौषधे तव वृक्षा उपस्तयः । उपस्तिरस्तु सोरेऽस्माकं यो अस्माँ अभिदासति ॥ 23 ॥

ऋषिः आर्षिषेणः देवापिः

छन्दः त्रिष्टुप्

देवता देवाः

बृहस्पते प्रति मे देवतामिहि मित्रो वा यद्वरुणो वासि पूषा	
आदित्यैर्वा यद्वसुभिर्मरुत्वान्त्स पर्जन्यं शंतनवे वृषाय	1
आ देवो दूतो अजिरश्चिकित्वान् त्वद्देवापे अभि मामगच्छत्	
प्रतीचीनः प्रति मामा ववृत्स्व दधामि ते द्युमतीं वाचमासन्	2
अस्मे धेहि द्युमतीं वाचमासन् बृहस्पते अनमीवामिषिराम्	
यया वृष्टिं शंतनवे वनाव दिवो द्रप्सो मधुमाँ आ विवेश	3
आ नो द्रप्सा मधुमन्तो विशन्त्विन्द्र देह्यधिरथं सहस्रम्	
नि षीद होत्रमृतुथा यजस्व देवान् देवापे हविषा सपर्य	4
आर्षिषेणो होत्रमृषिर्निषीदन् देवापिर्देवसुमतिं चिकित्वान्	
स उत्तरस्मादधरं समुद्रमपो दिव्या असृजद्वर्ष्याँ अभि	5
अस्मिन्समुद्रे अद्युत्तरस्मिन्नापो देवेभिर्निवृता अतिष्ठन्	
ता अद्रवन्नार्षिषेणेन सृष्टा देवापिना प्रेषिता मृक्षिणीषु	6
यद्देवापिः शंतनवे पुरोहितो होत्राय वृतः कृपयन्नदीधेत्	
देवश्रुतं वृष्टिवनिं रराणो बृहस्पतिर्वाचमस्मा अयच्छत्	7
यं त्वा देवापिः शुशुचानो अग्र आर्षिषेणो मनुष्यः समीधे	
विश्वेभिर्देवैरनुमद्यमानः प्र पर्जन्यमीरया वृष्टिमन्तम्	8
त्वां पूर्व ऋषयो गीर्भिरायन् त्वामध्वरेषु पुरुहूत विश्वे	
सहस्राण्यधिरथान्यस्मे आ नो यज्ञं रोहिदुश्वोप याहि	9
एतान्यग्रे नवतिर्नव त्वे आहुतान्यधिरथा सहस्रा	
तेभिर्वर्धस्व तन्वः शूर पूर्वीदिवो नो वृष्टिमिषितो रिरीहि	10
एतान्यग्रे नवतिं सहस्रा सं प्र यच्छ वृष्ण इन्द्राय भागम्	
विद्वान् पथ ऋतुशो देवयानानप्यौलानं दिवि देवेषु धेहि	11
अग्रे बाधस्व वि मृधो वि दुर्गहापामीवामप रक्षांसि सेध	
अस्मात्समुद्राद्बृहतो दिवो नोऽपां भूमानमुप नः सृजेह	12

ऋषिः वम्रः वैखानसः

छन्दः त्रिष्टुप्

देवता इन्द्रः

कं नश्चित्रमिषण्यसि चिकित्वान् पृथुगमानं वाश्रं वावृधध्यै	
कत्तस्य दातु शर्वसो व्युष्टौ तक्षद्वज्रं वृत्रतुरमपिन्वत्	1
स हि द्युता विद्युता वेति सामं पृथुं योनिमसुरत्वा संसाद	

स सनीळेभिः प्रसहानो अस्य भ्रातुर्न ऋते सप्तथस्य मायाः	॥ 2 ॥
स वाजं यातापदुष्यदा यन्त्स्वर्षाता परि षदत्सनिष्यन्	
अनुर्वा यच्छतदुरस्य वेदो घञ्छिश्नदेवाँ अभि वर्षसा भूत्	॥ 3 ॥
स यह्योर्इवनीगोष्वर्वा जुहोति प्रधन्यासु सस्त्रिः	
अपादो यत्र युज्यासोऽरथा द्रोण्यश्वास इरते घृतं वाः	॥ 4 ॥
स रुद्रेभिरशस्तवार ऋभ्वा हित्वी गर्यमारेअवद्य आगात्	
वम्रस्य मन्ये मिथुना विवत्री अन्नमभीत्यारोदयन्मुषायन्	॥ 5 ॥
स इद्वासं तुवीरवं पतिर्दन् षळक्षं त्रिशीर्षाणं दमन्यत्	
अस्य त्रितो न्वोजसा वृधानो विपा वराहमयोअग्रया हन्	॥ 6 ॥
स द्रुहणे मनुष ऊर्ध्वसान आ साविषदर्शसानाय शरुम्	
स नृत्तमो नहुषोऽस्मत्सुजातः पुरोऽभिनदर्हन् दस्युहत्ये	॥ 7 ॥
सो अभ्रियो न यवस उदन्यन् क्षयाय गातुं विदन्नो अस्मे	
उप यत्सीदुदिन्दुं शरीरैः श्येनोऽयोपाष्टिर्हन्ति दस्यून्	॥ 8 ॥
स ब्राधतः शवसानेभिरस्य कुत्साय शुष्णं कृपणे परादात्	
अयं क्विमनयच्छस्यमान्मत्कं यो अस्य सनितोत नृणाम्	॥ 9 ॥
अयं दशस्यन्नयोभिरस्य दस्मो देवेभिर्वरुणो न मायी	
अयं कनीनं ऋतुपा अवेद्यमिमीताररुं यश्चतुष्पात्	॥ 10 ॥
अस्य स्तोमेभिरौशिज ऋजिश्वा व्रजं दरयद्वृषभेण पिप्रोः	
सुत्वा यद्यजतो दीदयद्दीः पुरं इयानो अभि वर्षसा भूत्	॥ 11 ॥
एवा महो असुर वक्षथाय वम्रकः पङ्क्तिरुप सर्पदिन्द्रम्	
स इयानः करति स्वस्तिमस्मा इषमूर्जं सुक्षितिं विश्वमाभाः	॥ 12 ॥

(12)

100

(म.10, अनु.9)

ऋषिः दुवस्युः वान्दनः

छन्दः जगती 1-11, त्रिष्टुप् 12

देवता विश्वे देवाः

इन्द्र दृह्यं मघवन्त्वावदिद्भुज इह स्तुतः सुतुपा बोधि नो वृधे	
देवेभिर्नः सविता प्रावतु श्रुतमा सर्वतातिमदितिं वृणीमहे	॥ 1 ॥
भराय सु भरत भागमृत्वियं प्र वायवे शुचिपे क्रन्ददिष्टये	
गौरस्य यः पर्यसः पीतिमानुश आ सर्वतातिमदितिं वृणीमहे	॥ 2 ॥
आ नो देवः सविता साविषद्वयं ऋजूयते यजमानाय सुन्वते	
यथा देवान् प्रतिभूषेम पाकवदा सर्वतातिमदितिं वृणीमहे	॥ 3 ॥
इन्द्रो अस्मे सुमना अस्तु विश्वहा राजा सोमः सुवितस्याध्येतु नः	
यथायथा मित्रधितानि संदधुरा सर्वतातिमदितिं वृणीमहे	॥ 4 ॥

इन्द्र उक्थेन शर्वसा परुर्दधे बृहस्पते प्रतरीतास्यायुषः	
यज्ञो मनुः प्रमतिर्नः पिता हि कुमा सर्वतातिमदिति वृणीमहे	॥ 5 ॥
इन्द्रस्य नु सुकृतं दैव्यं सहोऽग्निर्गृहे जरिता मेधिरः क्विः	
यज्ञश्च भूद्विदथे चारुरन्तम् आ सर्वतातिमदिति वृणीमहे	॥ 6 ॥
न वो गुहा चकृम् भूरि दुष्कृतं नाविष्ट्यं वसवो देवहेळनम्	
मार्किर्नो देवा अनृतस्य वर्षसु आ सर्वतातिमदिति वृणीमहे	॥ 7 ॥
अपामीवां सविता साविष्यत्र्यश्वरीय इदपं सेधन्त्वद्रयः	
ग्रावा यत्र मधुषुदुच्यते बृहदा सर्वतातिमदिति वृणीमहे	॥ 8 ॥
ऊर्ध्वो ग्रावा वसवोऽस्तु सोतरि विश्वा द्वेषांसि सनुतर्युयोत	
स नो देवः सविता प्रायुरीड्य आ सर्वतातिमदिति वृणीमहे	॥ 9 ॥
ऊर्जं गावो यवसे पीवो अत्तन ऋतस्य याः सदर्ने कोशे अड्ध्वे	
तनूरेव तन्वो अस्तु भेषजमा सर्वतातिमदिति वृणीमहे	॥ 10 ॥
क्रतुप्रावा जरिता शश्वतामव इन्द्र इद्भद्रा प्रमतिः सुतावताम्	
पूर्णमूर्ध्दिव्यं यस्य सिक्तय आ सर्वतातिमदिति वृणीमहे	॥ 11 ॥
चित्रस्ते भानुः क्रतुप्रा अभिष्टिः सन्ति स्पृधो जरणिप्रा अधृष्टाः	
रजिष्ठया रज्या पश्व आ गोस्तूर्षति पर्यग्रं दुवस्युः	॥ 12 ॥

(12)

101

(म.10, अनु.9)

ऋषिः बुधः सौम्यः	छन्दः त्रिष्टुप् 1-3,7-8,10-11, गायत्री 4,6, बृहती 5, जगती 9,12
	देवता विश्वे देवाः ऋत्विजः वा

उद्धुध्यध्वं समनसः सखायः समग्रिमिन्ध्वं बृहवः सनीळाः	
दधिक्रामग्निमुषसं च देवीमिन्द्रावतोऽवसे नि ह्वये वः	॥ 1 ॥
मन्द्रा कृणुध्वं धिय आ तनुध्वं नावमरित्रपरणीं कृणुध्वम्	
इष्कृणुध्वमायुधारं कृणुध्वं प्राञ्चं यज्ञं प्र णयता सखायः	॥ 2 ॥
युनक्त सीरा वि युगा तनुध्वं कृते योनौ वपतेह बीजम्	
गिरा च श्रुष्टिः सभरा असन्नो नेदीय इत्सृण्यः पक्कमेयात्	॥ 3 ॥
सीरा युञ्जन्ति क्वयो युगा वि तन्वते पृथक्। धीरा देवेषु सुम्रया	॥ 4 ॥
निराहावान् कृणोतन् सं वरत्रा दधातन	
सिञ्चामहा अवतमुद्रिणं वयं सुषेकमनुपक्षितम्	॥ 5 ॥
इष्कृताहावमवतं सुवरत्रं सुषेचनम् । उद्रिणं सिञ्चे अक्षितम्	॥ 6 ॥
प्रीणीताश्वान् हितं जयाथ स्वस्तिवाहं रथमित्कृणुध्वम्	
द्रोणाहावमवतमश्मचक्रमंसत्रकोशं सिञ्चता नृपाणाम्	॥ 7 ॥
व्रजं कृणुध्वं स हि वो नृपाणो वर्म सीव्यध्वं बहुला पृथूनि	

पुरः कृणुध्वमार्यसीरधृष्टा मा वः सुस्रोच्चमसो दंहता तम्	॥ 8 ॥
आ वो धियं यज्ञियां वर्त ऊतये देवा देवीं यजतां यज्ञियामिह	
सा नो दुहीयद्यवसेव गृत्वी सहस्रधारा पयसा म्ही गौः	॥ 9 ॥
आ तू षिञ्च हरिमीं द्रोरुपस्थे वाशीभिस्तक्षताश्मन्मयीभिः	
परिं ष्वजध्वं दशं कक्ष्याभिरुभे धुरौ प्रति वह्निं युनक्त	॥ 10 ॥
उभे धुरौ वह्निरापिब्दमानोऽन्तर्योनेव चरति द्विजानिः	
वनस्पतिं वन आस्थापयध्वं नि षू दधिध्वमखनन्त उत्सम्	॥ 11 ॥
कपृन्नरः कपृथमुद्धातन चोदयत खुदत वाजसातये	
निष्टिग्र्यः पुत्रमा च्यावयोतय इन्द्रं सुबाध इह सोमपीतये	॥ 12 ॥

(12)

102

(म.10, अ.9)

ऋषिः मद्रलः भार्यश्वः

छन्दः बृहती 1,3,12, त्रिष्टुप् 2,4-11

देवता द्रुघणः इन्द्रः वा

प्र ते रथं मिथूकृतमिन्द्रोऽवतु धृष्णुया	
अस्मिन्नाजौ पुरुहूत श्रुवाय्ये धनभक्षेषु नोऽव	॥ 1 ॥
उत्सम् वातो वहति वासो अस्या अधिरथं यदजयत्सहस्रम्	
रथीरभून्मुद्गलानी गविष्टौ भरै कृतं व्यचेदिन्द्रसेना	॥ 2 ॥
अन्तर्यच्छ जिघांसतो वज्रमिन्द्राभिदासतः	
दासस्य वा मघवन्नार्यस्य वा सनुतर्यवया वधम्	॥ 3 ॥
उद्रो हृदमपिबज्रहृषाणः कूटं स्म तंहदुभिमातिमेति	
प्र मुष्कभारः श्रव इच्छमानोऽजिरं बाहू अभरत्सिषासन्	॥ 4 ॥
न्यक्रन्दयन्नपयन्त एनममैहयन् वृषभं मध्य आजेः	
तेन सूभर्वं शतवत्सहस्रं गवां मुद्रलः प्रधने जिगाय	॥ 5 ॥
ककर्दवे वृषभो युक्त आसीदवावचीत्सारथिरस्य केशी	
दुधैर्युक्तस्य द्रवतः सहानस ऋच्छन्ति ष्मा निष्पदो मुद्गलानीम्	॥ 6 ॥
उत प्रधिमुदहन्नस्य विद्वानुपायुनग्वंसगमत्र शिक्षन्	
इन्द्र उदावत्पतिमघ्यानामरंहत पद्याभिः ककुद्धान्	॥ 7 ॥
शुनमष्ट्राव्यचरत्कपर्दी वरत्रायां दार्वानह्यमानः	
नृम्णानि कृण्वन् ब्रह्वे जनाय गाः पस्पशानस्तविषीरधत्त	॥ 8 ॥
इमं तं पश्य वृषभस्य युञ्जं काष्ठाया मध्ये द्रुघणं शयानम्	
येन जिगाय शतवत्सहस्रं गवां मुद्रलः पृत्नाज्येषु	॥ 9 ॥
आरे अघा को न्विंस्था ददर्श यं युञ्जन्ति तम्वा स्थापयन्ति	
नास्मै तृणं नोदकमा भरन्त्युत्तरो धुरो वहति प्रदेदिशत्	॥ 10 ॥
परिवृक्तेव पतिविद्यमानट् पीप्याना कूचक्रेणेव सिञ्चन्	
एषैष्या चिद्रथ्या जयेम सुमङ्गलं सिनवदस्तु सातम्	॥ 11 ॥

त्वं विश्वस्य जगत्क्षुरिन्द्रासि चक्षुषः |
वृषा यदाजिं वृषणा सिषाससि चोदयन् वधिणा युजा || 12 ||

(13)

103

(म.10, अनु.9)

ऋषिः अप्रतिरथः ऐन्द्रः

छन्दः त्रिष्टुप् 1-12, अनुष्टुप् 13

देवता इन्द्रः 1-3,5-11, बृहस्पतिः 4, अप्वा देवी 12, इन्द्रः मरुतः वा 13

आशुः शिशानो वृषभो न भीमो घनाघ्नः क्षोभणश्चर्षणीनाम् |
संक्रन्दनोऽनिमिष एकवीरः शतं सेना अजयत्सुकामिन्द्रः || 1 ||
संक्रन्दनेनानिमिषेण जिष्णुना युत्कारेण दुश्च्यवनेन धृष्णुना |
तदिन्द्रेण जयत् तत्सहध्वं युधो नर इषुहस्तेन वृषणा || 2 ||
स इषुहस्तैः स निषङ्गिभिर्वशी संस्रष्टा स युधु इन्द्रो गुणेन |
संसृष्टजित्सोमपा बाहुशर्धुर्ग्रधन्वा प्रतिहिताभिरस्ता || 3 ||
बृहस्पते परि दीया रथेन रक्षोहामित्रौ अपबाधमानः |
प्रभुञ्जन्तसेनाः प्रमृणो युधा जयन्नुस्माकमेध्यविता रथानाम् || 4 ||
बलविज्ञायः स्थविरः प्रवीरः सहस्वान् वाजी सहमान उग्रः |
अभिवीरो अभिसत्वा सहोजा जैत्रमिन्द्र रथमा तिष्ठ गोवित् || 5 ||
गोत्रभिदं गोविदं वज्रबाहुं जयन्तमज्म प्रमृणन्तमोजसा |
इमं संजाता अनु वीरयध्वमिन्द्रं सखायो अनु सं रभध्वम् || 6 ||
अभि गोत्राणि सहसा गार्हमानोऽदयो वीरः शतमन्युरिन्द्रः |
दुश्च्यवनः पृतनाषाळयुध्योऽस्माकं सेना अवतु प्र युत्सु || 7 ||
इन्द्र आसां नेता बृहस्पतिर्दक्षिणा यज्ञः पुर एतु सोमः |
देवसेनानामभिभञ्जतीनां जयन्तीनां मरुतो यन्त्वग्रम् || 8 ||
इन्द्रस्य वृषणो वरुणस्य राज्ञ आदित्यानां मरुतां शर्धं उग्रम् |
महामनसां भुवनच्यवानां घोषो देवानां जयतामुदस्थात् || 9 ||
उद्धर्षय मघवन्नायुधान्युत्सत्त्वंनां मामकानां मनांसि |
उद्ध्रहन् वाजिनां वाजिनान्युद्रथानां जयतां यन्तु घोषाः || 10 ||
अस्माकमिन्द्रः समृतेषु ध्वजेष्वस्माकं या इषवस्ता जयन्तु |
अस्माकं वीरा उत्तरे भवन्त्वस्माँ उ देवा अवता हवेषु || 11 ||
अमीषां चित्तं प्रतिलोभयन्ती गृहाणाङ्गान्यप्वे परेहि |
अभि प्रेहि निर्देह हृत्सु शोकैरन्धेनामित्रास्तमसा सचन्ताम् || 12 ||
प्रेता जयता नर इन्द्रो वः शर्म यच्छतु |
उग्रा वः सन्तु ब्राहवोऽनाधृष्या यथासथ || 13 ||

ऋषिः अष्टकः वैश्वामित्रः

छन्दः त्रिष्टुप्

देवता इन्द्रः

असावि सोमः पुरुहूत तुभ्यं हरिभ्यां यज्ञमुप याहि तूर्यम्	
तुभ्यं गिरो विप्रवीरा इयाना दधन्विर इन्द्र पिबा सुतस्य	॥ 1 ॥
अप्सु धूतस्य हरिवः पिबेह नृभिः सुतस्य जठरं पृणस्व	
मिमिक्षुर्यमद्रय इन्द्र तुभ्यं तेभिर्वर्धस्व मदमुक्थवाहः	॥ 2 ॥
प्रोग्रं पीति वृष्णा इर्यामि सत्यां प्रयै सुतस्य हर्यश्च तुभ्यम्	
इन्द्र धेनाभिरिह मादयस्व धीभिर्विश्वाभिः शच्या गृणानः	॥ 3 ॥
ऊती शचीवस्तव वीर्येण वयो दधाना उशिज ऋतज्ञाः	
प्रजावदिन्द्र मनुषो दुरोणे तस्थुर्गृणन्तः सधुमाद्यासः	॥ 4 ॥
प्रणीतिभिष्टे हर्यश्च सुष्टोः सुषुम्नस्य पुरुरुचो जनासः	
मंहिष्ठामूतिं वितिरे दधानाः स्तोतारं इन्द्र तव सूनृताभिः	॥ 5 ॥
उप ब्रह्माणि हरिवो हरिभ्यां सोमस्य याहि पीतये सुतस्य	
इन्द्र त्वा यज्ञः क्षममाणमानड् दाश्वौ अस्यध्वरस्य प्रकेतः	॥ 6 ॥
सहस्रवाजमभिमातिषाहं सुतेरणं मघवानं सुवृक्तिम्	
उप भूषन्ति गिरो अप्रतीतमिन्द्रं नमस्या जरितुः पनन्त	॥ 7 ॥
सप्तापो देवीः सुरणा अमृक्ता याभिः सिन्धुमतर इन्द्र पूभित्	
नवतिं स्रोत्या नव च स्रवन्तीर्देवेभ्यो गातुं मनुषे च विन्दः	॥ 8 ॥
अपो महीरुभिर्शस्तेरमुञ्चोऽजागरास्वधि देव एकः	
इन्द्र यास्त्वं वृत्रतूर्ये चकर्थ ताभिर्विश्वायुस्तन्वं पुपुष्याः	॥ 9 ॥
वीरेण्यः क्रतुरिन्द्रः सुशस्तिरुतापि धेना पुरुहूतमीदृ	
आर्दयद्वृत्रमकृणोदु लोकं संसाहे शक्रः पृतना अभिष्टिः	॥ 10 ॥
शुनं हुवेम मघवानमिन्द्रमस्मिन्भरे नृतमं वाजसातौ	
शृण्वन्तमुग्रमूतये समत्सु घ्नन्तं वृत्राणि संजितं धनानाम्	॥ 11 ॥

ऋषिः सुमित्रः, दुर्मित्रः, वा कौत्सः

छन्दः उष्णिक् गायत्री वा 1, पिपीलिकमध्या 2,7, उष्णिक् 3-6,8-10, त्रिष्टुप् 11

देवता इन्द्रः

कदा वसो स्तोत्रं हर्यत् आव श्मशा रुध्वाः । दीर्घ सुतं वाताप्याय	॥ 1 ॥
हरी यस्य सुयुजा विव्रता वेरवन्तानु शेपा । उभा रजी न केशिना पतिर्दन्	॥ 2 ॥
अप योरिन्द्रः पापज्ञ आ मर्तो न शश्रमाणो बिभीवान् । शुभे यद्युयुजे तविषीवान्	॥ 3 ॥
सचायोरिन्द्रश्चकृष आँ उपानसः सपर्यन् । नदयोर्विव्रतयोः शूर इन्द्रः	॥ 4 ॥
अधि यस्तस्थौ केशवन्ता व्यचस्वन्ता न पुष्ट्यै । वनोति शिप्राभ्यां शिप्रिणीवान्	॥ 5 ॥

प्रास्तौदृष्वौजा ऋष्वेभिस्तत्क्ष शूरः शवसा । ऋभुर्न क्रतुभिर्मातरिश्वा	॥ 6 ॥
वज्रं यश्चक्रे सुहनाय दस्यवे हिरीमशो हिरीमान् । अरुतहनुरद्भुतं न रजः	॥ 7 ॥
अव नो वृजिना शिशीहृचा वनेमानृचः । नाब्रह्मा यज्ञ ऋधृगजोषति त्वे	॥ 8 ॥
ऊर्ध्वा यत्ते त्रेतिनी भूद्यज्ञस्य धूर्षु सद्भान् । सजूर्नावं स्वयंशसं सचायोः	॥ 9 ॥
श्रिये ते पृश्निरुपसेचनी भूच्छ्रिये दर्विररेपाः । यया स्वे पात्रे सिञ्चस उत्	॥ 10 ॥
शतं वा यदसुर्यं प्रति त्वा सुमित्र इत्थास्तौदुर्मित्र इत्थास्तौत्	
आवो यदस्युहत्ये कुत्सपुत्रं प्रावो यदस्युहत्ये कुत्सवत्सम्	॥ 11 ॥
इति अष्टमाष्टके पञ्चमोऽध्यायः समाप्तः ।	